

CONFUTATIO
PALINODIE

SVB NOMINE

P. HENRICI NORII

PUBLICATÆ

*Henrici Norii Confutatio
Palinodie*



ANNIBAL RICCIUS

PHILALETHI. S.

COgor iterum, Lector optime, è sipario in scenam prodire, & alteram, vel inuito genio, fabulam ludere; siquidem intelligo P. Norisij aduersarios deridiculas rursus strophas necere, dum nouas scriptiunculas illius nomine dolosa arte incrustatas, euulgantes, cum inuidiam, tum periculum in dies eidem moliri non cessant. Equidem ineunte hoc ipso, qui nuper exijt, anno 1676. Norisium veluti omnium hærescon recoctorem per summam calumniam traduxerant. Dein apud publicos Magistratus nouam accusationē vrgebāt, quod idem sacre eique singulari nobilissimę prouincię dignitati iniurius fuisset, quippe qui illam à schismate deriuatā contenderit. Postea quibusdam propositionibus parallelis inductis, eundem apud Eminētiss. Patres, qui Catholicę fidei sartē teētę seruandę præsidere, detulerunt, quòd Michaelis Baij errores suis in libris recuderet. Sed neutiquā hic stetit aduersariorū conatus; nam *Germanitates*, vt eorum verbo utar, tota fallendi arte contextas publicarunt, vt illum Iansenio similiter loquutum ostenderent. Verum sacris ac profanis tribunalibus multiplici accusatione fatigatis, quasi Purpuratorum Patrū, quā nudius tertius implorauerant, suspectam fidem haberent, Christum Dominum iudicem appellarunt, hunc planē titulum accusationis libello præfigentes: D. N. IESV CHRISTO CRVCIFIXO; quam delationem fisco Humberti Carthusiensis nomine subsignatam, quaquaersum sparsere. Quis autem hominum audaciam non miretur, qui cum per se loqui aut nolint, aut nequeant, quo omnem in accusando pudorem exuant, aliena sibi nomina imponunt, ipsa religiosi silentij claustra irrumpunt, atque Ascetam rigidiori vitæ instituto taciturnitati additum, tot mendaciorum loquacissimum fingunt, nec venturum ad tremendum CHRISTI tribunal mentito nomine, ac tot dolis & præstigijs instructos accedere. Etenim in eo scripto rara periculis mendacio immunis est, quemadmodum Norisius satis prolixa apologia, quam Romam misit, luculentissimè demonstrauit, vt ex eiusdem adamicum literis intellexi. Decimus serè mensis agitur, cum edita à Norisio

2
sio volumina ad supremum Romanæ Inquisitionis tribunal delata sunt, & adhuc lenta manu censura premitur. At illi diuturnioris more impatientes, Iesu Christi iudicium sollicitant, his planè vocibus ad calcem nuncupatoriz epistolæ formidandum mortalius iudicem Deum compellantes: *Surge Domine, iudica causam tuam*. A quo sane eos audire deceat: *Filij hominum nolite ante tempus iudicare*. Etenim quæ hos homines intemperiz transuersos agunt, ut adeo moleste ferant Romanam censuram in perendinum trahi, ut eo accuratior, quo maturior feratur? Enimuero subridens hæc mihi met non semel insussurraui. Videtis ne quispiam aduersariorum diuini etiam iudicij tarditatem incusans, Norisium obtorto collo ad inferos trahat, ac Minoi vel Rhadamantho reum sistat, illud Poetæ vociferans:

Flectere si nequeo superos, Acheronta mouebo.

Cum de repente Norisium imperitissimi vulgi iudicio circumuentum video, ac statim nulla quæstione habita, imò vel nulla interrogatione instanti, suos illum sponte errores fateri, ultroque palinodiam canere, dicta indicta velle, ac veniã coram plebe humillimis precibus postulare. Vix oculis meis credidi, cum censuram ac palinodiam Italico idiomate sub Norisij nomine per dolum publicatam inspexi; ut non iam seculares Magistratus, non sacer Purpuratorum Patrum confessus, non denique Christianus ipse, quorum omnium tribunalia appellauerant, sed pastores, lanifici, consores, ipsæque mulierculæ legendi tantum gnaræ, cum Norisium suos errores publicè expungentem audiunt, totam aduersarij causam, statim adiudicent. Quod si Principum leges in publicarum tabularum corruptores tam seuerè animaduercunt, haud equidem minori supplicio is puniendus est qui supposititio scripto, vitum ingenuum, ac seueriores Musas colentem, tot mendaciorum portenta, quæ ne quidem somniauit, cõstitisse commentus est. Verùm quamuis tantæ imposturæ architectus legem Corneliam illudere, & latere mortales iudices possit, ultroque latere non potest Deum. Hac maligna nocendi arte, hisce dolorum cuniculis, hisce supposititijs scriptiunculis pessima olim capita Hieronymo decessissimo eidemque sanctissimo Orthodoxi Orbis Doctore insidias instruxere, nempe scriptum quoddam sub eiusdem nomine euulgantes, in quo multiplicium errorum palinodiam canere fingebatur. Quindi igitur Norisius isdem planè insidijs impetitus, cum eodem reponat: * *Ego taceo: & literæ non meæ loquuntur contra me*. . . . *Qui hoc ausus est facere, quid aliud non audeat?* Vnus idemque Proteus mutatis subinde formis, longiorem hanc fabulam ludit; cuius sanè insultus generoso potius silentio despiciendi forent, quàm solida responsione confutandi; at ne eorum imposturis quicquam detrimenti veritas patiatur, cogimur tam subtilibus tropis retexendis, vnam & alteram horam impendendo perde-

* Lib. 2. in Rufinum.

re;

re; quod tamen antequam præsto; res mihi paulo altius repetenda est.

Nuperus censor propositiones quasdam parallelas concinnarat: conatus demonstrare Norisium in iisdem cum Baio concinuisse. Verum manifestam earundem thesium dissonantiam ex P. Macedi scriptis ostendi; hic enim non vno loco easdem propositiones se cum Norisio, & quidem longe à Baiano sensu remotas; defendere affirmaverat. Mirū dictū quāto cū plausu à doctis quibusq; mea illa nō minus vera, quā ingeniosa defensio excepta est; siquidem docti ac boni illius Senis verba adeo Noris dictis conformia exhibui, vt non interprete, sed Lectore tantū opus esse videatur. At nescio quis homo importunus, & mendax scriptum quoddam furtiuus typis excusum, sub nomine P. Noris in vulgus emisit, hoc illi titulo præfixo: *Censura del P. Henrico Noris sopra le risposte raccolte dal P. Annibale Riccio*; in qua quidem opella fingitur Norisius palam denunciare nusquam laudatarum thesium Macedum secum sensisse. Non possum autem non in stomacho ridere, cum bellissimum Censuræ limen ingredior; nā vno & altero verbo se Veritatis titare testatur, qui pura pura mendacia loquitur, ac plebeculæ, ad quam scribit, fucum facit. Porro hæc Norisium loqui mentitur.

Il Mondo letterario baurà forse veduto (an creduto?) che il P. Maestro Macedo si sia stato consapevole di quanto nella scrittura delle risposte parallele s'è divulgato; così che egli in essa s'adduce, si costante opinione di quel grand'uomo.

Parcius hoc; non magnus homo qui plurima scribit.

Optima qui potuit scribere, magnus homo.

È pare come sono dottrine distantiissime dalle sue, così da lui ne anche furono fatte degne d'incocchiare.

Ita quidem omnes, quibus integer oculorum vsus est, in laudatis thesibus Macedum Norisio similiter loquutum viderunt. Num cuiuspiam, cum primū illam consonantiam aspexit, oculi doluerint, nescio. Cum P. Macedus traditam abs se doctrinam, plurium tellium numero firmaturus, Norisium quoque eum laudis præfatione, tam nobili Scriptorum centurie inferuerit, qua fronte de suis sententijs Norisius scriberet: *sono dottrine distantiissime dalle sue?* Videtis quā lupinæ hallucinationis Macedus insimuletur, qui Norim diuersa planè sentientem, tellem appellauerit. Clamat Macedus tomo 1. Collat. pag. 396. col. 2. v. 9. *Accedit nouus, & clarus scriptor Noris in suo libro de Historia Pelagiana*. Audin, vt Macedus suo illum lateri adiungit? Cur ergo Norisius Macedum a se remotissimum fingat?

Perche egli dice il contrario nelle proposizioni; che sfacciatamente gli s'imporgono, e seruuano trè per prova. Vna è: Omnia opera infidelium sunt peccata; come io scrino, & affermo essere di S. Agostino vera, e Legittima;

e pure esso nella sua Cortina, e nella mente d'Innocentio sostiene che: Non omnia opera infidelium sunt peccata, sed ea tantum, &c. quale anche nella Logichetta si vede contraddittoria alla mia.

Hæc Norisium scribere? Vah putidam imposturam! Ad talionem libi. Hæc ille tradit in Vindictis Augustinianis cap. 4. §. 5. pag. 118. v. 10. Respondeo tertio infideles, ALIQUOS actus bonos elicere, ad quas à Deo promouentur, qui profecto peccata esse non possunt. Tradit hoc disertè S. Doctor cap. 2. 4. de gratia Christi; ubi recitato illo Scriptura Sacra de Assueri mutatione testimonio, &c. Buius verò nullos actus bonos ex Dei gratia ab infidelibus fieri volebat. Næ ille affirmat, omnia opera infidelium esse peccata, qui palam pronunciat infideles aliquos actus bonos elicere, qui peccata esse non possunt? Adeat calumniator tuum, quam appellat, Logichetam, ac videat num hæc due propositiones, infideles aliquos actus bonos eliciunt, quæ Noris est; & altera Baii, infideles nullas actus bonos eliciunt, sint contradictorie. Quod si neget, non ad Petri Hispani summas, sed Anticyras mittendus est. Verum adeo manifesta est illarum Norisio calumnie falsitas, ut Lectorum tum patientia abuterer, tum etiam oculis diffiderem, si eandem pluribus cofutarem. Sed iterum quæ sua eidem somnia attingat, audiamus.

L'altra: Omne quod non est ex fide peccatum est; quale sostengo essere proposizione di S. Agostino, e l'intendo vera per la fede Cristiana abituale, e lui intende di qualche barlume di fede coetanea, o transennie.

Conchas facilius a scopulo, quam Norisium ea in sententia à Macedonidiuelles. Cum vir eruditus pag. 597. col. 1. dixisset expositionem S. Augustini in illa Apostoli Rom. 14. Omne quod non est ex fide, peccatum est, erroris à nonnullis audacioribus appellari, Remitto, inquit, Lectorem ad eruditissimum Patrem Henricum Noris, qui in ea quam superius laudavi Pelagiana Historia in Kind. August. cap. 4. §. 5. euidenter ostendit eam esse Ecclesie, Pontificum, & Patrum locum illum Pauli de fide prout est virtus Theologica intelligentium. Itaque non modò Noris sententiam probat, verum etiam tellatur, ipsum EVIDENTE eam Ecclesie ac Patribus probari. Huc te volo. Vel vir insignis putauit laudatam interpretationem à Norisio intelligi de fide per modum actus, vel per modum habitus. Si primum dicas; iam vides Macedum Norisio consentientem; sin alterum malis: Videsis qualem accurato Theologo hallucinationem imponas, qui erroneam Noris explicationem euidenter Ecclesie ac Patribus probatam affirmat. Enimvero vbiuam in Norisii scriptis vox habitualis insonuit? Imò tantum abest, ut textum Apostoli de fide Christiana habituali intellexerit, ut disertè cap. 3. §. 4. pag. 116. pronunciauerit: Solam fidem acquisitam, sufficere. Etne fides acquisita idem ac fides habitualis infusa? Imò hoc est mendacia vendicare, ac Lectoribus fucum facere. Pergit, impostor, §. 1. de fide in opuscula de opusculis et de fide, &c.

La terza, che colla necessità possa accoppiarsi la libertà con l'esclusione dell'indifferenza; pretendendo io in questo seguitar S. Agostino, fondandomi in libri imperfetti contro Giuliano; e Macedo nega tale necessità; ne s'è mai persuaso essere quei libri del S. Padre: anzi come io mantengo, e seguo le interpretazioni di Gianfenio, e Baio, così Macedo riprendendole tutto s'impugna ad esimere il Santo del sentire con la dottrina loro; e delle loro imposture.

Rece olim Romani parens eloquij exclamauit: *O magna vis veritatis, qua contra hominum ingenia, calliditatem, solertiam, contraque fidas omnium insidias facile se per se ipsam defendit.* Haud ita potuit impostor miseram hanc scriptunculam veritatis furo vestire, & ornare, quin sponte erumperent indicia manifesta; quibus malamartem, ac figmenti artificem manifeste proderet, ac falsitatem eo impudentius retereret, quo imprudentius occurrat. Itane Noris omnem & frontem, & timorem posuit, ut in media Italia, ore planè infrunito diceret: *Mantengo, e seguo le interpretazioni di Gianfenio, e di Baio?* Et statim adderet, eandem esse loro impostura? Elicet vir ille pistrillo obtusior, qui interpretationes, quas palam denunciat esse imposturas, sciens ac volens, & sequatur, & defendat, idque publico etiam scripto testetur, hoc est, laici fidei suo se ore teum publicet, ac Vaticana in suum caput fulmina accendat? Patente praestigia, detecta fraus, dolus omnis iam palam est. Num verò Noris in dogmate de libertate non quidem à necessitate, sed tantum à coactione, damnatam Iansenij opinionem sequatur, ex hac vtriusque scriptoris antithesi declaratur.

I A N S E N I V S

Infideles earent gratis sufficienti ad salutem tum proxima, tum remota, & omnibus principijs eius. Est titulus cap. 11. Lib. 3. de grat. Christi Saluat.

N O R I S

Quamuis infideles earent auxilio proxime sufficienti, habent tamen quadam auxilia remota: unde non patiuntur antecedentem necessitatem peccandi. In Vind. cap. 3. §. 6. pag. 90.

Rursus qua fronte Noris testari auit libros operis imperfecti contra Iulianum à P. Macedo S. Augustino abrogari, ac in apocryphorum, quisquillas detrudi, qui sciat eisdem à S. Martino, & Agathone Romanæ Ecclesiæ Pontificibus, & ab œcumenica Synodo VI. S. Doctori deputari? Cur Macedum religiosissimum virum Catholicæ Ecclesiæ iudicio, imò, sibi ipsi aduersari affirmet? Etenim toties ille præsertim in Cortina, condemnat libris appellat, eorumque testimonio suas sententias communit. At bellissimam fabulam prosequamur. Hæc dicit P. Macedo alieno ore Noris asseruato.

Che

Che tanto è, che i suoi sentimenti s'accordino co' i miei nel modo che te det-
terisposse conchiudono: quanto che lui s'obliga, che ogni volta gli venga di-
mostrata ne suoi libri una delle mie proposizioni da lui censurate, e prouata
dottrina sua, ne farà publico cartello di retractione, detestatione, & abinra-
zione, in ogni forma solennissima.

Quis Pythius Apollo Macedonici pectoris arcana Norisio reuelauit?
Qui nocturni lemnures secretiora hominis consilia eidem in aures infusur-
rarunt? Qui bonus malusue genius absentis Macedi animum indicauit?
Num illa fortè ex Tullianis libris de diuinatione intellexit? Hoc scio P.
Macedum recitatas propositiones P. Norisii testimonio confirmasse. Pa-
rent libri, neque olim dicta indicta esse queunt, nullis iam officijs subli-
niri Lectoribus oculi possunt. Quod scripsit, scripsit. Vno verbo rem
conficio. Vel eadem Noris dixit quæ Macedus, vel diuersa. Si eadem,
cur hoc neget? Si diuersa, cur illum Macedus laudat? cur Lectores ad
illum remittit?

Altera iam scena aperitur; ac Norisius nouam fabulam alienis foccis
ornatus ludit.

In verità che questa risoluta deliberazione mi è stata di stimolo acutissimo
per imitare l'ingenuità di sì GRAND'huomo, e dar principio a soddisfare il
mondo, ch'aspetta qualche mia giusta retrattazione. Onde ben esaminato le
proposizioni del mio libro, e viste quelle sono degne di censura, comincerò a
ritrattarmi dall'impostura di Semipelagianismo al gloriosissimo, e dottissimo
S. Vincentio Lirinese.

Hæc est ridicula palinodia, quam ante bienniū quasi Norisij manu ex-
arctam, publicauerant, & quidem isdem omnino verbis contentam,
vt cum nihil noui contra eundem garrere possint, rancidas modò itro-
phas repetant, ac recoctam cramben reponant. Semipelagianorum sen-
tentia fuit, gratiam omnibus offerri, non tamen vniuersis, ac singulis ap-
plicari, sedijs vt plurimum dari, qui prius eandem peterent, quærent,
ac pulsarent, ne Deus sine vlla industria, sine studio, sine labore, iner-
tibus atque otiosis sua dona conferre videretur. Vincentius cap. 37.
Commonitori; errate dicit afflorentes quod magna & specialis ac planè
personalis quadam sit Dei gratia, adeo vt sine vilo labore, sine vilo studio,
sine vlla industria, etiamsi nec petam, nec quæram, nec pulsam. Vbi
specialem Dei gratiam vult esse effectum laboris, studij, ac industriæ;
quibus petimus, quærimus, ac pulsamus, cum tamen ipsamet gratia
specialis & personalis sit causa petendi, quærendi, ac pulsandi. At S. Au-
gustini discipuli asseriebant, dari hominibus gratiam specialem ac perso-
nalem, etiamsi nec peterent, nec quærent, nec pulsarent, cum ad hoc
etiam a Deo infundatur, vt petamus, vt quæramus, vt pulsemus. Quis
autem nesciat petere, quærare, ac pulsare fuisse illas veluti anulas, vel

occasiones, quas Massilienses præmittebant ad hoc ut specialis ac personalis gratiæ donum rationabile indicaretur? Sed inquit: non addere Vincentium proprijs viribus. Infulse. Putasne Massilienses vnum illud & alterum verbulum semper addidisse? Viden, ut Vincentius speciali ac personali gratiæ industriam, laborem, ac studium inuicem opponat, ut illa horum effectus, non autem causa intelligatur? Nullus reapse petit, quærit, aut pulsatur, nisi speciali ac personali gratia ad eosdem salutare actus præmoueatur; igitur specialis gratia datur, etiam si quis illam non petat, aut quærat, cum ideo detur, ut quærat, ac petat. Si Vincentius Augustini sententiæ adhærebat, cur illud verbum, omisit, quo solo à Massiliensium opinione discrepare videretur? Scribebat Vincentius in Pronincia, in qua id temporis docti quique Augustino aduersabantur, præter paucos perfecta gratia, intrepidus amatores, teste Prospero in epistola ad S. Doctorem. Utitur isdem verbis laboris, studij, atque industriæ; item: quærendi, petendi, ac pulsandi, quæ Massilienses illis in disputationibus inuexerant, ac suæ scholæ propria fecerant: quidni igitur Vincentius eadem repetens, vnus illorum fuisse iure ac merito dicatur? His addatur arguta quidem, sed falsa epistolæ Celestini interpretatio, & non obscure qua in sententia fuerit, apparebit. Pergit argutari,

Anche per altro capo euidente apparisce libero da tal sospetto il medesimo Lirinese: perche per opinion anche mia, ei non puote apprender quell'errore sotto l' Abbate Fausto, auendo io aulta quella sentenza nel lib. 2. cap. 11. oue dissi: Cum Abbate Fausto, sub Abbate Fausto, cum concellit Lirinensibus.

Didicit eam opinionem, uti scitè vir multæ eruditionis Garnerius notauit, ex libris Cassiani, ex quibus illam ceteri hausierunt. Cum verò Norisius scripsit sub Abbate Fausto Vincentium Massiliensium sententiæ accessisse, id iuxta vulgarem opinionem dixit; omnes enim putant Commonitorium apud Lirinam scriptum fuisse, quod tamen Noris ibidem negat. Hinc pag. 248. v. 26. hæc ait. *Vincentij sub eodem Fausto Monachi, ut volunt, artem non detexit.* Audia ut volunt? Potuitne clarius ostendere se iuxta aliorum placitum loqui, quod tamen inferius confutat? Ut Norisium antilogiæ insimulent, ea verba supprimunt, quæ omnem contradictionem ab eiusdem scriptis eliminant. Sed en alteram eiusdem antihistoriam.

Essendo che io stesso affermo quell'epistola di Celestino essere stata approvata, & accettata dal predetto Vincenzo Lirinese nelle Vindie. cap. 8. pag. 42. nel qual luogo scrivendo di queste lettere di Celestino dissi: Idem Vincentius Lirinensis easdem producit in Commonitorio aduersus prophanas uoces nouitates, easque plurimum commendat. Adunque ciò ch'io altrà volta dissi, cioè che il Lirinese abbi. esortato il senso di quelle lettere à favor del suo

erro-

errore, e contro Prospero, ora dichiarato per ritrattato, ramentandomi di quelle parole che seguitano: Quia fronte Vincentius eas sibi fauere literas iactasset, quibus ipsiusmet opinioniones condemnabantur? &c. Conaseo queste parole per mie, colle quali venoco ciò che prima di quelle lettere giudicato, e trattato haueuo.

Pape: qualem Norisio Chymzram obijciunt? Vincentius literas Celestini admisit, vti etiam ceteri Massilioneses admisere. Igitur neutiquam eandem in Augustinianæ sententiæ defensores retorset. Non vidit Norisius huius consecutionis necessitatem. Scribitur de Massiliensibus cap. 3. appendicis ad literas Celestini: *Eaque tantummodo sequi, & probare profitentur, quæ sacratissima beati Apostoli Petri Sedes contra inimicos gratiæ Dei per ministerium Prasulum suorum sanxit, & docuit.* Illi ergo, vt pote viri Catholici, literas Celestini receperunt; verum pro sua ipsorum sententia eandem loqui contestabantur. Hanc chordam iterum pulsabo. Ceterum in posteriori textu cum Norisius scripsit: *Qua fronte Vincentius eas sibi fauere literas iactasset, quibus ipsiusmet opinioniones condemnabantur?* negat opinionem Vincentij ac sociorum damnatam fuisse à Celestino; quippe qui haud illius appendicis author sit, sed hæc Celestini fideris assuta fuerit. Dum verò ait *ipsiusmet*, nempe Vincentij, *opiniones condemnabantur*, ea quæ antea scripserat, expungit? Imò disertè ac luculenter ei rorem Vincentij designat, afferens in illa appendice *ipsius opiniones condemnari*. Et quidem cur Norisius palinodiam caueret, cum videat viros doctrina & eruditione illustres, suæ ipsius sententiæ albos calculos adijcere, & eandem suis libris inferere? Hæc scribit Patet Paschasius Quænellus Presbyter Oratorij Parisiensis dissert. 3. par. 2. Operum S. Leonis pag. 397. *Si pro parte vel appendice literarum Celestini Papa habita tunc essent eiusmodi capitula, itane pudorem omnem abiicisset Vincentius Lirinensis; vt pro se suisque scriptum esse à Celestino in illis literis tam grandi tuba personaret, vt fecit in suo Commemoratorio? qui enim ausus est nouitatis notam Augustini aduersarij à Celestino iniustam, in S. Doctoris discipulos reticere; veritus esset, ne tam apertis definitionibus capitulorum, quibus suorum Massiliensium, & Lirinensium errores sapius proscribebantur, reuinceretur, ac impudentis argueretur mendaci.* Hæc vir eruditissimus in litoras miserat, antequam Norisij librum euolueret; nam ibidem pag. 417. *His inquit, ita scriptis, iamiamque prælo subiiciendis, incidi in Vindicias Augustinianas doctissimi viri Henrici de Noris, ex quarum cap. 8. plurima scitè sincerèque scripta huc transferenda essent, sed quoniam instant opera, sufficiat locum indicasse, quem adijisse Lectorem nequaquam pauebit.* Abeat igitur impostor cum ficta sua palinodia, eamque in suorum grege crepet, quandoquidem tanta illum mentiri portenta delectat. Sed iterum commentatur,

Non

Non posso non rinuocare con piena retrattatione quelle quattro grauissime ingiurie da me con più passione, che verità inferite a S. Vincenzo Lirinese, quale se fossero vere mostrerebbero essere ingiusta la di lui canonizatione. La prima, che fu bersaglio del suo Commonitorio la fama di S. Agostino, contro il quale egli lo scrisse.

Nugas ac gerras germanas loquitur; quatuor crimina fingit, quæ nullo la sunt. Hoc tibi familiare, idque turpissimum crimen est, tua somnia ac imposturas alteri affricare. Quò preliis, ac breuius aduersarij dictum refellam, libeat hunc syllogismum inducere. Antiqua tantum dogmata defendenda ac tradenda sunt, noua verò fugienda; atqui Augustini sententia de efficaci Dei predestinatione ad fidem, & perseuerantiam finalem, est nouum dogma, hoc igitur cuique fugiendum est. Ita planè Massiliensēs ratiocinabantur, quibus minor illa propositio certa erat; vnde Prosper scribit ad Augustinum: Multi ergo seruatorum Christi, qui in Massiliensibus verbis consistunt, in sanctitatis tue scriptis, quæ aduersus Pelagianos hæreticos condidisti, contrarium putant Patrum opinioni, & Ecclesiastico sensui, quicquid in eis de vocatione electorum secundum Dei propositum disputasti. Et versus finem: Illud etiam qualiter diluatur, quæsumus, patienter insipientiam nostram ferendo demones, quòd retractatis Priorum de hac re opinionibus, penè omnium par inuenitur & una sententia, quæ propositum & predestinationem Dei secundum præscientiam receperunt. Idem scripsit id etiam temporis Hilarius ad eundem S. Doctorem: Hoc etiam, inquit, de aliorum libris, quorum est in Ecclesia, auctoritas, faciunt, quòd perspicit sanctitas tua non parum posse iuuare contradictores, nisi maiora, aut cerè paria proferantur a nobis. Non enim ignorat prudentissima pietas tua, quanto plures sint in Ecclesia, qui auctoritate nominum in sententia teneantur, aut a sententia transferantur. Quibus S. Pater. cap. 14. de prædest. SS. rescriptis. Si huius ergo sententia defensionem ex diuinorum eloquiorum nos præcedentibus Tractatoribus promerem; professi hī fratres, pro quibus nunc agimus, acquiescent, hoc enim significastis literis vestris. Quis igitur opus est, ut eorum scrutemur opuscula, qui priusquàm ista hæresis oriretur, non habuerunt necessitatem in hac difficili ad soluendum questione versari, quòd procul dubio facerent, si respondere talibus cogerentur. Idem tamen cap. 19. de dono perseuerantiæ, inductis Cypriani, Nazianzeni, ac Ambrosij testimonijs, suam sententiam confirmat. Itaque Massiliensēs certò sibi persuasiebant, nouam esse Augustini sententiam, nec quicquam secus opponere sciebant Prosper, Hilarius, ac pauci id temporis S. Augustini discipuli. Hinc factum est, vt Vincentius maiorem adducti syllogismi propositionem probandam assumpserit, quòd non minori eruditione, quàm elegancia præstitit in Commonitorio, in quo S. Augustini sententiam neutiquam oppugnauit, quæ quòd vera erat, antiquissima etiam habenda est, quam

uis compertum non sit, Sanctum illum virum eo tantum consilio scripsisse, ut suo illo volumine Augustinianæ sententiæ nouitatem obliquè pulset. Hinc prudenter Norisius scripsit eo loci pag. 250. ver. 12. cum Augustini FORTASSE doctrinam de predestinatione veluti per cuniculos eo opusculo subruere intaret. Nec tamen S. Doctoris famam impetiuit; alias Augustinus, dum aduersus S. Cyprianum opinionem tot doctissimis voluminibus confluit, Sanctissimi Martyris famæ iniuriis fuisse diceretur.

La seconda: che habbi ingiuriati con titolo d'Eretici i discepoli del mio Santo medesimo, e censurata d'eretica la dottrina inespugnabile dello stesso.

Scribit Prosper in laudata epistola putasse Massilienses sub hoc predestinationis nomine, fatalem quandam induci necessitatem. Hinc hæreseos notam illam opinionem defendentibus impingebant. Hoc pluribus idem Prosper testatur in epistola ad Rusticum. Nonne in controuersia de gratia scholæ sibi inuicem aduersæ sibi mutuo Calumniam, aut Sempelagianismum obijciunt? Vincentius acerbiorē sanè notam, feruente tamen dissensionē, aduersarijs inuasis. Quis verò, nesciat, quæ confusa acerbitate Hieronymus in epistola ad Theophilum, & Cyrillus in litteris ad Arceum, magnam Chrysostomum perstrinxerint? Neutrius tamen sanctitatis amara iora dicta nocere, neutrum ex albo Sanctorum expungit. Breuem hanc Sanctissimis viris apologiam donat Baronius ad A. 412. prope finem. *Homines enim illi erant, & humanis passionibus obnoxii.*

La terza: che aderendo à Sempelagiani, à fauor loro conuertisse la decretale di Celestino con deprauarla.

Cum Celestinus ea in epistola dixisset: *desinat, scitantes sunt, incessere hominis venustatem*; nihil interim circa agitatum id temporis controuersiam definiens, Vincentius argutè suis illam epistolam fauorabilem pronunciauit, quippe qui antiquorum Patrum sententiam aduersus nouam, ut putabant, Augustini opinionem defendebant. Dedit id eiusdem erga Apostolicam Sedem reuerentiæ, cui quantum etiam ceteri Massilienses deferrent, ex capite tertio appendicis eiusdem literis additæ, proximè obseruabam. Cum Alexander VII. in litigijs de attritione, literas Apostolicas publicasset, Christianam in disputando modestiam inuulgens, nihilne ea de re interim definiens, vtraque disputantium factio cum oppositæ præiudicio; laudatas literas sibi fauere iactabat: quod ex libellis acutissimi viri Francisci Faruacques Augustiniani Doctoris Louanien-sis, & P. Maximiliani Le-Dent Iesuitæ intelligitur. Porro Vincentium memoratas Celestini literas contra Prosperum retorsisse tradunt viri insignes, qui etiam inter homines ambulant, Lupus, Frassenius, ac Quofnellus, uti postea monstrabitur, nec fictiti illius criminis, cuius palinodia Norisio imperatur, scrupulus illorum quempiam incescit.

La quarta: Che habbino hauuto origine dal di lui santissimo, e modestissimo ingegno; portentosi paradossi intitolati Obiectiones Vincentianae, ordite contro la riputazione della dottrina di S. Agostino.

Audiantur Louanienſes eom. 7. Operum S. Doctōris, in appendice, vbi hæc obiectionibus Vincentianis præmittunt. Sunt qui arbitrentur Vincenſium hunc Lirinensem illum fuisse, cuius extat opusculum aduersus prophanas omnium bareſeon nouitates: eorū hoc tempore in Gallijs floruit. Ante centum ferè annos eruditjs hominibus ea sententia licet, cui non modò Louanienſes nullam notam inuſſere, verum etiam eandem addita temporis circumſtantia, confirmarunt. Illæ obiectiones à Scholasticis illationes ad impossibile appellantur, in quas ex prioris aſſertionis conſecutione, quis eò adigitur, vt earundem abſurditate deterritus, à ſemel concepta opinione reſiliat. Et quidem data duplici ſententia S. Auguſtini de eſſenciæ prædeſtinatione ad gloriam, ac reprobatione ex præuſo peccato originali, nonne plurimi Recentiorum Vincentianas obiectiones contra ytramque memoratam ſententiam reſtaurant, quin tamen vllam ſe iniuriam Auguſtino inferre arbitrentur? Vincentij factum nulli reprehendi obnoxium fuit; ſiquidem ea ſcripſit vix mortuo ante quadriennium. S. Doctore, cum paſſim vna, & altera eiſdem ſententia in Prouincia à viris ſanctitate ac doctrina illuſtribus impugnarentur, nec vilius Pontificis, aut Synodi decretis confirmata fuiſſent, vti poſtea factum eſt. Et quidem quæ errorum portenta prædeterminantes, ac ſcientiæ mediæ deſenſores non ſibi inuicem obijciunt? Id verò eorundem pietati, ac ſanctimoniz, modò abſint ſales ac ſcommata, neutiquam nocet. Veraque tamen ſchola procul ſe ab obiectis erroribus proſtitetur; quos etiam à S. Auguſtini ſententia Proſper non minus ſolide, quàm ſapienter remouit.

Quis autem à riſu temperet, dum videt illos homines fingere tot crimina à Noriſio Vincenſio impacta fuiſſe, illumque ſera tandem poenitentia ductum, eadem vna litura delere. Tantam alienæ conſcientiæ ſerupuloſiores iſti curam gerunt, cum tamen haud religioni ducant ſuppoſitiſia ſcripta vulgare, publicè mentiri, ac aliorum cicta, vti mox declarabo, dolosa arte eorumpere. Ita dum hæc fiſta palinodia Noriſij crimina eluere mentiuntur, impoſituris, dolis, ac fallacijs turpem operam natiuant, & aliena quæ fingunt, crimina corrigentes, veris iſque turpiſſimis ſe noxis obſtriungunt, quarum vtinam priuatam ſaltem in ſacta exomologeſi palinodiam recitens, qui publicam alijs imponunt. Sed quid inſuper noui ferat Africa, videamus.

Ne l'mio fondamento di liberar il medefimo Vincenzo dalla nota d'Ereſia Semipelagiana, perebe in quel tempo non foſſe condannata, prole ſuſſiſtere, hau. no' io detto lib. 2. Hiſt. Pelag. pag. 237. Celſtinus S. Auguſtini iam inter ſuperos ſq. Pontifice relati, primus Romanorum Præſulum doctrinam

nam consecrauit, *che vale tanto come dichiararla Cattolica, & di canonica autorità; e nel medesimo libro pag. 237. Celestinus Apostolica auctoritate aduersus Semipelagianos Augustini doctrinam defendit.*

Quis hunc verborum prodigium non fateatur, qui ne rogatus quidem, tanta Norisij vice, sibi suisque simillimis occidit. Norisius cum scriberet Celestinum S. Augustini doctrinam commendasse, *consecrandi verborum* est, ut ea voce Apostolici oris maiestatem exprimeret; qua ratione antiquitus ea cuncta, quæ ad Imperatores spectabant, *sacra* dicebantur; vnde sacræ largitiones, sacræ cognitiones; sacrum consistorium; & ipsa epistola per antonomasiam *sacra* appellabatur. Neutiquam verò dixit *consecrasse*, hoc est, inter dogmata Catholice fidei retulisse; vnde & in altero testimonio adducto scripsit: *doctrinam defendit*. Certè declarauit S. Augustini doctrinam nulli contra fidem erroris obnoxiam esse: Verum Massilienses, teste Prospero in calce libri contra Collatorem, tale Pontificum encomium prioribus S. Doctoris libris, non ijs, quos vltima ætate elucubrauerat, delatum fuisse contendebant. Vincentius verò antiqua dogmata à Patribus accepta, à Celestino laudata affirmavit; vnde ex solum ratione Augustini doctrina laudatam contendit; quatenus ceterorum Patrum sententijs conformis apparebat; in illam verò opinionem, quam de efficaci prædestinatione ad fidem, & perseverantiam nouam inuexerat, Celestini elogium non cadere. Falsæ quidem interpretationes; sed quæ Massilienses Catholicos fuisse demonstrent; quippe qui non auri Romanæ Sedis dictis obfistere, eadem quæsitis vtcumque interpretamentis explicare conabantur.

Onde S. Prospero *che prima chiamata Cattolica i Semipelagiani, doppo d'hauer impetrate le lettere di Celestino, mutò lo stile, chiamandoli Lupi, Calunnatori, Ipocriti, Colubri, Serpenti, &c. Non è dunque vero che la dottrina di S. Agostino non sia stata approuata da Celestino, e la contraria Semipelagiana condannata.*

Prosperum appellasti, ad Prosperum ibis. Sedeat ille vtriusque nostrum honorarius arbiter, ac sententiam in causa ferat: Hæc ille scribit in epilogo operis contra Cassianum de Massiliensibus; quos vulgò Semipelagianos vocamus: *Quorum tamen dum adhuc non sunt à fraterna societate diuisi, toleranda magis est intentio, quàm desperanda correctio.* Addit hoc scholion Baronius A. 433. *Hæc Prosper cum perorat: quibus intelligis Cassianum inter Catholicos professores adnumeratum.* Consentit Suarez proleg. 5. de grat. cap. 5. num. 6. *Nondum enim erat, inquit, illa sententia hæresis vel erroris damnata ab Ecclesia, vt Prosper in fine libri contra Collatorem aperte docet, Cassianumque inter Catholicos numerat.* Hinc Valquez t. p. disp. 89. cap. 4. num. 24. vocat Semipelagianos *viros aliqui Catholicos & religiosos.* Sed ad Prosperum redeo. Idem cap. 33. scribit: *Quis hæc*

præ-

predicari à Catholicis inter Catholicos crederet. Porro cum illa Prosper in literas misit, diem obierat. Celestinus, cum ibidem Sixtus eiusdem successor à Prospero commendetur. Quòd si illos Lupos occultos, calumniatores, & hypocritas dixit, eiusmodi verba zelus Augustinianæ doctrinæ inter disputandum extorsit; quo enim maiori erga aliquem benevolentia propensius sumus, eo seuerius excipimus qui contra eundem loquuntur. Fateor Augustinum dixisse Massilienses non recedere ab illa damnata Pelagij sententia: Gratiam Dei secundum merita nostra dari. Lib. de prædest. SS. cap. 2. At illi reponcbant Pelagium admisisse merita perfecta & de condigno, se tantum occasiones quasdam, & ansulas, quæ ex nobis erumpentibus, utebatur Deus, ne ansatis & omnino otiosis sua dona, conferre videretur. Scitè P. Macedus in Scrinio cap. 12. pag. 193. Nec satis, inquit, erit effugio dicere illos posuisse meritum & initium meriti in natura; nam imprimis id Semipelagiani dicere se negabant. Quamuis verò S. Doctor id responsi egregie confutarit, nil tamen ea in causa Celestinus definiuit; alias Prosper numquàm Massilienses appellasset Catholicos. Scribit Vasquez 1. p. disp. 91. cap. 9. num. 57. Neque incredibile alicui videatur Patres Græcos tantæ auctoritatis & doctrinæ in hac fuisse sententia; siquidem Massilienses, & per Galliam tot etiam insignes viri in eadem opinione fuerunt. Res enim admodum subtilis & difficilis erat ad explicandum, donec Augustinus ingenij sui felicitate, & multa alia, eam nobis explicuit. Imò ipse Augustinus cap. 3. de prædest. SS. ingenuè fatetur, se adhuc Presbyterum, in errore Massiliensium fuisse. Vasquez laudatus caput 10. his planè verbis inchoat: Cum Cassiano & Massiliensibus non pauci Scholastici conveniant. Et nominat Itatium Scotum, Gabrielem, Caietanum, Durandum, Sotum, Driedonem, Ruardum, & alios. Sed talionem passus est; nam Suarez lib. 4. de gratia cap. 14. recitata Vasquij opinione de cogitatione congrua naturali num. 8. concludit: non videtur per illum dicendi modum conuenienter fieri satis difficultati proposita, nec sufficienter vitari Semipelagianorum doctrina. Quæ consultò hic recitavi, non solum ut appareat viros doctissimos in Massiliensium errorem vel impegisse, vel magni nominis Theologos id saltem de iisdem iudicasse, ut planè excusadi videantur Cassianus, Faustus, Vincentius, aliique Galliarum Doctores, qui initio motæ difficillimæ controuersie cespitarunt, cum post tot sæcula viri celeberrimi in eodem luto hæere visæ fuerint; verum etià ut pareat, quàm immeritò Norisius carpatur, quòd scripsit Sadoletum incautè & inscienter in Massiliensium errorem impegisse. At impotior grandiores tibias inflans, ac Norisianam palinodiam vehementiori boatu crepans, addit.

Per fine la mia opinione contradice manifestamente al Martirologio Romano, dove alli 24. di Maggio sà questo elogio di S. Vincenzo Lirinese: Dottrina & sanctitate conspicuus, ch'essendo vero non poteva essere Semipelagiana; ne

mieno

mihi far chiaro, e conspicuo il medesimo Santo, anzi denigrarlo, & oscurarlo.
• Bellissimè. Dui Cypriani martyris sanctitate & doctrina clarissimi elo-
gium recitat Martyrologium Romanum. Nullum igitur Cypriani do-
ctrina lucis defectum passa est, cum rebaptizandos hæreticos tanto co-
ratu contendit? Breue quidem, sed solidum à Melchiorre Cano respon-
sium accipe, quod proluxæ apologiæ loco sit. Ceteroqui nemo quauis er-
ditus & sanctus non interdum hallucinatur, non alicubi cæcuit, non alicubi
labitur. Sanctus verò is fuit, qui credidit ab hæreticis baptizatos, esse reba-
pizandos. Sanctus qui in Christi corpore & sensum panæ & dolorum fuisse
negauit. Sanctus fuit qui in Chiliastrarum dogma descendit. Sanctus fuit qui
viro ob adulterij culpam uxorem repudianti, alterum matrimonium concepit.
Sanctus fuit qui animas piorum usque ad diem iudicii veram felicitatem ade-
mit. Sanctus fuit qui animam hominis ex traduce esse putauit &c. Hæc vir
doctissimus lib. 7. de locis Theol. cap. 3. Nonne Maillix? Cassiani festû
solemni pompa die 23. Iulij celebratur? Nonne S. Fausti Episcopi apud
Reios, extructo templo, memoria consecrata est; qui duo tamen tuere,
semipelagianæ Scholæ Magistræ Professò doctrina Commonitorij S. Vin-
centij nomen illustrat; Catholicæ fidei traditionem, & acceptantia Patri-
bus doctrinam, antiqua tantum dogmata recipienda esse demonstrat,
profanas verò vocum nouitates fugiendas. Quæ omnia veritati consona
sunt. At quòd in vno, & altero versu nescio quem lucis defectum lubie-
rit, in re adhuc obscura, ac nondum per Apollolicam Sedem in Catho-
lico lumine collocata, cum tamen in ceteris nitidissimos veræ doctrinæ
radios quaquauersum diffundat, humanæ conditioni condonandum est.
Agedum, estne aliud quidpiam, quod Norisius indictum velit?

Confesso ingenuamente la verità che all' hora stampai non hauendo altro
autore da seguitare che il Possio. Dopo che son stato impugnato dal Mace-
do; ricercai altri autori Cattolici, e ritrouai il P. Lupo, & il P. Frassen Fran-
cescano. Atà il primo per favorirmi approuò la mia opinione, e il secondo so-
lamente dice: videtur adhæsisse. C'è vn altro di più Basilio Pontio; mà non
sà forza, perche non nomina Vincenzo Liniese, e solamente dice: Cassia-
nus, Vicentius, Faustus; onde quel Vincenzo non era Liniese, ma quell'al-
tro autore delle obietioni chiamate Vincentiane. E: ancora che tutti questi af-
fermassero la mia sentenza: Isti qui sunt inter tantos?

• Dignum patella operculum. Cum supposititiam hanc palinodiam ex
puris putis mendacijs hucusque contexuerit, triplici mendacio eidem
colophonem imposuit. Patris Lupi volumina A. 1673. ante Paschalia
festâ typis excusa prodire, eaque secum in Italiam tulit Illustrissimus
D. Airoldus Pontificius Inter-Nuncius, qui ex Belgio circa Pascha di-
cessit. At Historia Pelagiana mense Maio eiusdem anni adhuc Patavinis
typis premebatur. Qui igitur fieri potuit, vt crudelissimus P. Lupus ea
de Vin-

de Vincentio tomo 4. pag. 757. inferuerit, vt Norisio suffragaretur, cuius librum nondum viderat? Claudius Frassen insignis Scotista in Academia Scoti tract. 2. disp. 3. sect. 1. §. 2. hæc scribit: *Vincentius Lirinensis videtur etiam adhasisse & fauisse Semipelagianis, censeturque ab aliquibus scriptor obiectum Vincentianarum, quibus S. Prosper respondit. Quod etsi cetera taceant, hoc sufficiens euincit, quod eodem modo Celestini Papæ epistolam, qua se Catholici iuebantur, aduersus Catholicos versare non dubitauerit. Et paulo inferius. Vrgendo tantopere illud (û) NON OBSCURE indicat se criminationem Prosperi & Hilarij pro falsa habere. Audin, quid dicat? Teliatur Vincentium Celestini epistolam in S. Augustini discipulos retorsisse, ac delationem Prosperi non obscure falsitatis insinuas-
 se. Cur ergo officias facis impericis, ac miserinæ plebi, ad quam feribis; fabulas vendis?*

Sed non minus putidum mendacium est, quod de corrupto Poncij testimonio commentantur. Nam hic insignis Theologus 1. p. Relect. de gratia capite quarto inscripto de errore Semipelagianorum, pag. 40. v. 13. scribit: *Præcipui inter eos fuere Cassianus Chrysostomi discipulus, & à quo suos errores de gratia didicisse existimant nonnulli, sed falso, vt ostendam postea, & Vincentius Lyrinensis, & Faustus Regiensis.* En ipsissima Basilij Poncij verba; qui Vincentium Lirinensem Massiliensibus accenser, ac Lyrinensem cum yessert, Callidè quidem, sed luisinet impotturis satis accommodè pseudo-palindromia Italicè scriptam publicauerunt. Quis enim è plebe appellata à Norisio testimonia repetat? Hinc fingunt eadem à Norisio corrupta, cum huius planè criminis illi rei conuincantur. At quid promptam horum ad mentiendum audaciam miremur? Nam longè illis facilius fuit vnum verbum textui Poncij subtrahere, quàm tot verba Norisio per dolam appingere. Inauditum herclè facinus moliti sunt; nusquam enim accepimus quempiam adducta à semet in sui defensionem testimonia, & quidem suæ causæ validissimè suffragantia, abiectisse. Id tamen stoliditatis Norisio affricant, qui locupletissima ac certissima Frassenij ac Poncij testimonia, dudum à se in iudicio aduersus accusatorum calumnias appellata, non solum repudiarit, sed etiam, ne sibi patrocinari viderentur, stultè corrupcrit. Verùm duo insuper testes audiendi sunt. Ioannes Garnerius Iesuita in notis ad Marium Mercatorem dilert. 1. de Authoribus hærescos Pelagianæ cap. 6. pag. 150. col. 2. confutans doctissimi Vignierij opinionem, scilicet Faulum Abbatem Lirinensem tum primùm errores Semipelagianos sorbuisse, cum Iulianus Pelagianorum antesignanus A. 440. Italia pulsus, in Lirinum se recepit, hæc scribit: *Deinde si qua Pelagiani erroris fuligo Lirinensibus adhasit, VT ADHÆSIT SANE, ea certè non ex Iuliani, sed ex Cassiani societate, & multis quidem ante annis, vt ex Commonitorio Vincentij intelligitur, afflati*
 est.

cap. 1. Ita vir eruditus in Commonitorio, quod A. 434. à Vincentio scriptum fuit, Semipelagianismi notas aduertit. Huic suppar accessit P. Paschasius Quesnellus p. 2. Operum S. Leonis Magni dissert. 3. num. 5. pag. 410. *Vincentius*, inquit, *Lirinensis clarissima etiam Celestini Papæ pro Augustino verba ex epistola ad Gallos, non dubitauit S. Doctoris defensoribus obijcere, tanquam contra eum emissa à Pontifice: qui dum scripsit: vt desinatur inceslere nouitas vetustatem, Augustinum tanquam nouitatis inuentorem arguerit, &c.* Huius Scriptoris testimonium Norisius Antonio Magliabeco, viro omni eruditionis genere insigni, ac toto literario Orbe celeberrimo, se acceptum ferre testatus est in epistola ad P. Iacobum Florellum Venetum, spectatæ probitatis ac doctrinæ Theologum, in eumque inter paucos amicum. At inquit impottor: *Isti qui sunt inter tantos?* Scito non esse fungos, aut truncos, sed scriptores doctos, & eruditos, quorum postremo laudati, egregiè in Pelagianorum rebus versati sunt, quibus etiam *magnus homo*, honoris gratia, allurgat. Scito esse ceteros ingenuos, ac procul ab omni partium studio remotos. Scito horum quatuor adhuc superstites esse, eisque tum ingenium, tum stylum superesse ad ea quæ meo Norisio similia scribere, defendenda. Haud opus est mitti in præteritum diligentiam curiosam; cum intra proximè elapsum triennium quinque insignes scriptores in eandem de Vincentio Lirinensi sententiam conspirarint. I nunc, & Norisium tot licet locupletissimorum testium præsidio suffultum, pannico tamen timore percussum, palinodiam canere tibimet fragito, eamque extra lapientium chorum, apud ignauam rudeinque plebeculam Italica lingua, prælaro anhelante pulmone, ad rauum canta ac recanta: imò per me etiam crepa.

Sic cuculus cuculat, fritinit rauca cicada.

Ex his satis superque, Lector optime, intelligis quantas hic mendacissimus fictæ palinodiz artifex insidia fecerit; in quo pudorem ac conscientiam, imò etiam mentem desideres; dum retractationem fabularem, usque ad derisum & ineptiam, Norisio imposuit. Equidem nescio quomalo fato hic Scriptor in eiusmodi genus hominum inciderit, quos tanta contra illum inuidia mordet, vt cum eandem per biennium innumeris scriptiunculis haudquaquam exhalare potuerint, ipsummet censorias sibi manus inferentem inducunt, vt idem, quem tot hucusque qua occultis, quæ apertis conatibus deijcere perentiarunt, sua ipsius dextera cadere videatur. Iam profana tribunalia adierant; iam sacros iudices repetitis accusationibus fatigauerant; iam formidandum mortalibus CHRISTI iudicium appellauerant; sed cum nusquam sibi causa adiudicaretur, proximam & compendariam ad eandem obtinendam, viam inire destinarunt: hanc ipsam, quam confutauimus, palinodiam sub Henrici Noris nomine yatre ac malitiosè publicantes. Quotusquisque enim est, qui non statim

statim reum esse illum iudicet, qui ultroque criminis confessione, vel silente iudice, in semet sententia non pronunciat? Imò eo consilio suppositum illam retractationem Italico idiomate concinnarunt, ut plebeius quisque intelligeret Norisium tota planè causa cecidisse, ac dein contra eundem plebeium conderetur, in quo ipsi postea plebeium, quem vnicè aucupantur, triumphum canerent. Porro ad aniles hæcè rugas miseri homines descenderunt, cum agrè ac molestè ferrent Norisij libros per manus oraque hominum volitare, eorumq; iam latius inualesceniem famam in remotiores literarij, Orbis plagas extendi, nec vlla adhuc censura publica coerceri. Enimverò cū Noris volumina apud sacrum Romanæ Inquisitionis tribunal accusauerint, cur Romanæ censuræ exitum taciti interim ac quieti non opperitur? cur tot subinde accusationibus terræ, cœlique tribunalia pulsant? cur tantam chartæ ac pecuniæ in edendis tot libellis, tot pagellis, quæ thuris ac piperis sint cuculli, iacturam faciunt, & stridulos Reuerendi illius quem honoris, ac humanitatis gratia non indigito, typos obtundunt? Equidem pol credo Norisium ea mente compositum esse, ut plurimum S. R. E. pietati se debere intelligat, quæ innumeris Orthodoxi Orbis curis distracta, editi ab ipso voluminis correctionem in minimam earundem partem asciuerit. Profectò summæ eidem gloriæ vertetur, Romanæ Ecclesiæ magisterio didicisse, ac errores, in quos incautus fortè decidit, Pontificio oraculo præmonente, cognouisse. Tæcet virum, qui doctrina æque ac vitæ instituto Augustinianus & esse & haberi velit, eximium Doctorum summi erga Apostolicam Sedem obsequium imitari. Nam cum Augustinus quatuor contra Pelagianos libros Bonifacio Pontifici nuncuparet, hæc, inquit, *quæ istis ut dixi, duabus epistolis illorum ista disputatione respondeo, ad tuam potissimum dirigere sanctitatem, non tam discenda, quàm examinanda, & ubi forsitan aliquid displicuerit, emendanda constitui.* Itaque Norisius & moderatè & prudenter se gerit, dum ad Romani iudicii exitum, nequicquam brubante aduersario, vocem suspendit, ac post siparium silet; quamvis illum Momus annosus, pannosus, in alieno focco minium inscenæ ludere, ac insulsam ineptissimæ palinodiæ fabellam coram plebe recitare comminiscatur.



